

潮州志

潮州志

叢談志一

分纂林德侯輯纂

總纂饒憲順審訂

志有叢談譬史之有稗史者小說之流亞也班書稱小說家者流蓋出於街談巷語道聽塗說之所造一言可采芻蕘猶不棄焉潮州志乘所記折衝乎稗史之例者吳府志謂之軼事海陽吳志潮陽周志豐順李志放阮通志稱雜錄揭陽劉志李志稱雜說澄海李志標異聞之目南澳齊志立叢談之篇迹其命名各有所本軼事雜錄蓋濫觴於西京世說異聞志怪乃取類於搜神宣室或攬撫風流局於人事或侈陳怪力語涉不經若叢談則容齋夢溪之儔於遺文舊典技藝述異無不賅載謂之志稗其庶幾乎爰綜各志所錄旁采諸家之言凡有關潮故者悉甄擷其文標目演事間或數書互見而事類可拼則銓其旨要鉤稽綿綴勒而成章區爲人事物異四部既著引據復加按語爲之考覈參證所謂事雖瑣屑不失其正博聞廣記君子所不廢也宣父曰雖小道必有可觀者其於斯篇或有取焉

人部

惠照

僧惠照潮陽人唐大曆初自曹溪歸深契南宗之旨居邑之西巖精持戒律博通詞翰大顓惟儼皆師事之相國李紳銘其石室云曹溪實歸般若觀妙體是宗極湛乎返照余靖題其像曰已向南宗悟猶于外學精士林傳字法僧國主詩盟初地形容古彌天語論清因居支遁輩徒擅養鷹名

阮通志
吳府志

惟儼

釋惟儼信豐人俗姓韓幼時嘗獨立如思如念年十七度大庾至西巖師事惠照唐大曆八年受具戒於衡岳希琛既而曰大丈夫當離法自淨焉能屑屑事細行於布巾耶首入石頭由是陟羅浮涉清涼歷三峽遊九江貞元初還藥山李翱刺朗州每與之遊李初訪山時侍者曰太守在此儼執經不顧翱性急乃曰見面不如聞名拂袖出儼曰太守何得貴耳賤目翱回拱謝問如何是道儼曰雲在青天水在瓶翱作禮而贊曰練得身形似鶴形千株松下兩函經我來問是無餘說雲在青天水在瓶

太和八年建順世塔於院東隅文宗賜諡弘道大師塔曰化城

阮通志吳府
志潮陽周志

慧元

慧元姓倪氏潮州人嘗至京師有法嚴圓明師者見而異之臨終升座說偈云五十

五年夢幻身東西南北孰爲親白雲散盡千山外萬里秋空片月新

阮通志輿地紀勝

按嶺海名勝記有元慧者常居羅浮後至連州寺韓愈爲陽山令時重其戒操贈之以詩阮通志錄之慧元殆卽此元慧耶

簡師

簡師不知何許人爲僧吉州聞韓愈諫迎佛骨得罪貶潮陽謂人曰大士涅槃示寂豈以形骸爲哉侍郎闢之誠是也吾不憚瘴癘願往見之皇甫湜作序贈之世稱無

礙云

阮通志

按皇甫湜序云鳳羽而麟毛鳥而獸也經傳以此于聖人豈非以其心不以其形者耶師雖佛名而儒其行雖夷狄其衣服而仁義其心雖未齒于士而鳳麟類矣不猶愈于衣冠朝服或溺于淫怪之說以數彝倫者耶嗚呼師豈獨賢也刑部侍郎昌黎韓愈既貶于潮浮圖之徒方快以忤師獨憤起訪余求序行以資適潮不顧蛇山鱷水萬里之險毒若將朝得進拜而夕死可者嗚呼悲夫吾絆不得侶師以馳

圓明

道隆海陽人姓黃爲汝州璉禪師弟子至和初遊京師客景德寺宋仁宗夢黃龍蟠

地召對大悅賜以紫方袍號圓明大師

吳府志海陽吳志

韓湘

世傳韓湘爲八仙之一究不知牽合附會昉自何人乃近代演爲雜劇有冒雪度叔事惠潮所在昌黎廟亦塑湘子像乘雲在側并有所謂張千李萬者作步雪狀謬妄相尋不可解也又稱廣濟橋爲湘子橋者尤屬誕妄蓋橋造於宋唐時固未有橋以訛傳訛何可紀極耶西陽雜俎云韓愈侍郎有疏從子姪從江淮來公令院中伴子弟數不遵公責之自言其藝能使庭前紫牡丹紅白俱備公奇而試之調諸色治其根及一月後開果如所言且每朶有雲橫秦嶺句一聯姪遂辭歸江淮竟不願仕韓愈徐州贈族姪詩有挈門者誰子問言乃吾宗自云有奇術妙語知天工太平廣記引仙傳拾遺則謂愈外甥忘其姓名是乃別一人而潛確類書則云湘少學道落魄他鄉久而始歸值昌黎生辰宴怒之湘曰無怒也請效薄技以獻因以爲頃刻花每瓣金書一聯云雲橫秦嶺家何在雪擁藍關馬不前昌黎不悟遣之去後果謫潮州至藍關而悟青瑣高議云韓文公之姪湘能開頃刻花因開牡丹二朶其上有詩云雲橫秦嶺家何在雪擁藍關馬不前後公以言佛骨貶潮州途中遇湘冒雪來曰憶花上之句乎公詢其地名卽藍關也遂足成其詩云一封朝奏九重天夕貶潮陽路

八千本爲聖朝除弊政肯將衰朽惜殘年末云知子遠來深有意好收吾骨瘴江邊
遂牽爲一事謂疏從子姪及族姪與外甥卽指湘不寤湘爲愈姪孫愈詩題屢曰示
姪孫湘固已明言之其非疏從子姪或族姪甚明因段說附會以愈過藍關詩所示
之人乃有神仙之目考唐書宰相世系表湘愈姪孫老成長子字北渚累官大理寺
丞韓集註湘字北渚成之子公兄介之孫河陽志湘字清夫登進士官大理寺丞世
稱仙舉而仙山亦有碧天洞湘子巖諸托跡不知昌黎集祭十二郎文言汝之子十
歲卽指湘也陳繼儒神仙辨云賈島集寄韓湘詩有過嶺行多少潮州瘴滿川之句
公集中詩題亦云左遷至藍關示姪孫湘又宿曾江口示湘詩而湘於長慶三年第
進士去公貶潮特後四年官至大理寺丞非方外之流何有神仙之說是凡神仙幻
化卒多傳會今備論諸家異說與其致誤之由用祛俗士之惑

阮通志周府志濯嬰亭筆
記慨此居文錄潮州叢著

按道緣匯錄云愈有從姪孫湘字清夫號元陽子清修寡欲未入名場落拓不羈縱遊山水長慶初湘及第愈教湘應舉讀
書似乃兄榮湘對曰孫與公所好各異後愈貶潮州路經藍關積雪滿地馬不能前適湘至爲掃除其雪懷中出藥丸一枚
與之曰服之可禦瘴言畢飄然而去故錢基博韓愈志曰人知有湘而不知有湘知其兄而不知有弟湘湘二字形似而僞
而列仙班者卽此字曰清夫之湘而湘無與焉然道緣匯錄所稱長慶初湘及第事於前而後始云愈貶潮州不知愈於元

和十四年正月上表帝怒將加極法裴度崔羣力疏言寬假乃貶潮州既被謫卽日上道以正月十四日去國行三月二十五日至潮州而元和十四年先長慶湘登第四年何倒置若是則此湘湘爲譌之說又難置信矣今采各家韓湘非仙之辯爲演述焉

吳子野

吳子野揭陽人有道之士侍制李師中見而稱曰白雲在天引領何及熙寧二年李天章爲登州太守子野往從之遊時解貳卿致政退居于登使人入諸島取石得十二株皆秀色燦然適有舶在岸將轉海至潮子野于解公盡得十二石以歸置所居歲寒堂下東坡爲之記元豐中再舉不第從官于京師遇藍喬方大暑同登汴橋買瓜喬曰塵埃汙吾瓜當於水中噉爾自擲於河至夜不出子野候其邸已酣寢始知喬道之成再拜愧謝遂願執爨領教相從於湖海六年還家告妻子曰黃卷塵中非我業白雲深處是吾家遂築庵於潮陽蘇田山東坡名其庵曰遠遊且爲銘絕粒不睡間出遊四方遍交公卿然一無所求也蘇軾兄弟皆傾下之紹聖三年至惠州同軾與論養生軾大服惠州富產芋人食者多瘴子野謂軾曰此非芋之罪也芋當去皮瀝紙煨之火中過熟乃熱噉之則鬆而膩乃能益氣充饑今惠人皆和皮水煮冷

啖堅頑少味其發瘴固宜遂於除夕前兩日夜間親煨芋兩枚以啖東坡後軾南遷見於真陽無一言及得喪休戚事獨告曰邯鄲之夢猶足以破妄而歸真子目見而身履之亦可少悟矣旋厭世出家一日語家人曰吾于龍川霍山從明陽藍子遊耳遂莫知所之元符三年東坡渡海北還子野與何崇道等自番禺追錢至清遠峽十一月同遊廣陵寺會道病却肥甘屏藥餌唯終日默坐妻子追及問後事笑麾之脩然而逝葬於藤田山軾爲文祭之軾與弟子由及子過屢有贈詩其後紹興三年海寇黎盛登開元寺塔見遠游居間左右曰是非藏蘇內翰圖書處否麾兵救之復料吳氏歲寒堂民屋附近者賴以不熱

阮通志吳府志周志惠州府志潮陽周志揭陽劉志澄海李志蘇東坡集蘇詩注輿地紀勝夷堅志禺峽山志韓江記百蘭山館藏帖

王介石

王介石潮州人居僑宋元符元年四月蘇軾安置儋州至就官舍有司謂不可遂買地築室五間一龜頭在南汙池之側茂林之下亦蕭然可以杜門面壁小休但勞費貧困耳小客王介石有士君子之趣起屋一行介石躬其勞辱甚於家隸然無絲髮之求十二月介石與泉人許珏以其酒之膏液謂之酒子者餉軾節口相贈其愛軾可知此意固不可忘軾爲作酒子賦二年三月二十四日與介石等遊於淪江之陰

作城北放魚記有曰會者六人吳氏之老劉某南海符某僭耳何旻潮陽王介石溫陵王懿許琦昇者二人吉童奴九五月鄭嘉會舶書至介石赴惠州軾作書介紹其見嘉會并乞嘉會有以明庇之介石對軾固盡心而軾待介石亦周至矣然則介石亦非常人哉今吾潮人僅知吳子野而介石之名則無能舉之者可嘆也

蘇東坡集海外集蜀故說映洗

玉清東坡居海南之友生

按施元之東坡詩註云公至僭耳軍使張中請館於行衙又別飾官舍爲安居計朝廷命湖南提舉董必者察訪廣西遣使過海逐之中坐黜死雷州監司悉鑄級公遂買地築爲屋五間潮人王介石爲客於僭躬泥水之役其勞苦甚於家隸王氏年譜引子由作東坡墓志云買地築屋昌化士人畚土運甓以助之爲屋三間東坡與程儒書有近與兒結茅數椽居之勞費不貲矣賴十數學者助作躬泥之勞審是則東坡買地建屋於昌化而畚土運甓者又皆士人學者數且十數人而施元之於此十數人中僅爲潮人王介石提名是介石之在當時諸學者中爲不可多得之一人也

劉元城

宋紹聖初黨禍起劉安世謫梅州章惇蔡卞必欲殺之因使者入海島誅陳衍諷以脅安世自裁忽有所厚士類數輩至殷勤之際輒相向垂涕公曰非安世有後命乎客曰屬聞朝廷遣使入郡將不利於公願公自裁無辱公告之曰安世罪大責輕若

朝廷不貸甘心東市之誅使國家明正典刑誅一戒百亦助時政之萬一何至效匹夫匹婦自經於溝瀆哉不爲動時貶所有土豪緣進納以入仕者因持厚資入京師以求見惇久不得見直以能殺公意達之惇乃見不數日除本路轉運判官其人疾馳將至梅梅守遣客勸公自爲計涕泣而言公色不動留客飲酒談笑自若徐書數紙付其僕曰聞朝廷賜我死我旣死依此行之顧客曰死不難矣客密從僕處視之則皆經紀其家與同貶當死者之家事甚悉客驚嘆以爲不可及也判官未至二十里嘔血而斃初公奉母至梅州行山中籃輿憩樹下有大蛇冉冉而至草木皆披靡擔夫驚避元城不動蛇若相向者久之乃去村民羅拜曰異人也蛇乃此山之神見公喜相迎耳

吳府志鶴林玉露

按鶴林玉露云章惇之欲殺劉元城者至數故方竄廣東則移廣西旣抵廣西而復徙廣東凡甲令所載稱遠惡州軍無所不至雖盛夏令所在州軍監督日行一舍或泛海往來貶所人謂公必死然七年之間未會一日病年幾八十堅悍不衰此非人力殆天相之或問何以至此曰誠而已蓋公處死而不亂亦誠耳殆所謂誠能格天者非歟

大慧

大慧禪師名妙喜住杭州徑山寺時金使奉千手千眼金觀音來臨安高宗令安奉

徑山寺大慧出迎口頌云一手動時千手動一眼觀時千眼觀幸自太平無一事何須拈動許多般金使大慙張九成自爲士時已就釋學嘗與妙喜往來爲世外交自以直言忤秦檜檜既竄斥九成廉知其素所往來者所善妙喜背刺爲卒于梅州安置西巖寺後檜死孝宗放還復居徑山寺有勸之去其墨者妙喜笑拒不答孝宗憐而敬之

阮通志四朝聞見錄吳府志

按輿地紀勝云宗杲坐與張九成謗訕還俗得責衡州又徙梅州檜死仍舊爲僧是九成之竄同時尙有宗杲之徙梅州四朝聞見錄則稱妙喜爲卒於南海豈傳聞之誤抑實別有兩人耶

王大寶

王大寶字元龜行十二性穎悟通五經尤長於易建炎二年龍飛榜主司擬爲第一時車駕駐維揚偶次名李易維揚人遂先易以之居二故其詩有云對策丹墀中上游天顏撫諭遜龍頭之句及在經筵首言宗社大計與用事者議弗協出知溫州一時名流咸惜其去史越王浩時爲太學正錢以詩有云向來子韓子無乃公前身乾道初辭免召命降詔諭曰卿有醇深之學剛毅之操頃在言路不畏強禦直諒之聲聞天下故起卿於里居之逸冀聞卿之崇論宏議也官凡九遷至朝散大夫禮部尙

朝廷不貸甘心東市之誅使國家明正典刑誅一戒百亦助時政之萬一何至效匹夫匹婦自經於溝瀆哉不爲動時貶所有土豪緣進納以入仕者因持厚資入京師以求見惇久不得見直以能殺公意達之惇乃見不數日除本路轉運判官其人疾馳將至梅梅守遣客勸公自爲計涕泣而言公色不動留客飲酒談笑自若徐書數紙付其僕曰聞朝廷賜我死我既死依此行之顧客曰死不難矣客密從僕處視之則皆經紀其家與同貶當死者之家事甚悉客驚嘆以爲不可及也判官未至二十里嘔血而斃初公奉母至梅州行山中籃輿憩樹下有蛇冉冉而至草木皆披靡擔夫驚避元城不動蛇若相向者久之乃去村民羅拜曰異人也蛇乃此山之神見公喜相迎耳

吳府志鶴林玉露

按鶴林玉露云章惇之欲殺劉元城者至數故方竄廣東則移廣西既抵廣西而復徙廣東凡甲令所載稱遠惡州軍無所不至雖盛夏令所在州軍監督日行一舍或泛海往來貶所人謂公必死然七年之間未會一日病年幾八十堅悍不衰此非人力殆天相之或問何以至此曰誠而已蓋公處死而不亂亦誠耳殆所謂誠能格天者非歟

大慧

大慧禪師名妙喜住杭州徑山寺時金使奉千手千眼金觀音來臨安高宗令安奉

徑山寺大慧出迎口頌云一手動時千手動一眼觀時千眼觀幸自太平無一事何須拈動許多般金使大慙張九成自爲士時已就釋學嘗與妙喜往來爲世外交自以直言忤秦檜檜既竄斥九成廉知其素所往來者所善妙喜背刺爲卒于梅州安置西巖寺後檜死孝宗放還復居徑山寺有勸之去其墨者妙喜笑拒不答孝宗憐而敬之

阮通志四朝聞見錄吳府志

按輿地紀勝云宗杲坐與張九成謗訕還俗得責衡州又徙梅州檜死仍舊爲僧是九成之竄同時尙有宗杲之徙梅州四朝聞見錄則稱妙喜爲卒於南海豈傳聞之誤抑實別有兩人耶

王大寶

王大寶字元龜行十二性穎悟通五經尤長於易建炎二年龍飛榜主司擬爲第一時車駕駐維揚偶次名李易維揚人遂先易以之居二故其詩有云對策丹墀中上游天顏撫諭遜龍頭之句及在經筵首言宗社大計與用事者議弗協出知溫州一時名流咸惜其去史越王浩時爲太學正錢以詩有云向來子韓子無乃公前身乾道初辭免召命降詔諭曰卿有醇深之學剛毅之操頃在言路不畏強禦直諒之聲聞天下故起卿於里居之逸冀聞卿之崇論宏議也官凡九遷至朝散大夫禮部尙

書敷文閣學士封開國男食邑海陽登瀛三百戶乾道六年四月十三日卒贈大中

大夫十月御塋於海陽登瀛神前山之陽

王氏族譜袁均哲王氏族譜序王源撰王大寶傳

鄭國翰

公登紹興十八年戊辰進士原名鄭翰殿試時高宗以其同元勳曹翰名御筆改爲國翰初授莆田令政治卓異欽取兵部武選司主事轉員外郎督師江左有功晉本司郎中致仕後築書莊於藍田飛泉嶺集生徒講學其中以澹名軒卒年八十九學者稱澹軒先生

鄭氏家譜韓江聞見錄

按復齋日記云文公朱先生中紹興十八年王佐榜進士第五甲第九十八祭酒莆田鄭先生得當時廷試錄抄託提督南畿學校御史王明仲梓之明仲訪得刻本于勾容江璽蓋璽之遠祖賓王爲當時糾彈官得之而家藏也因校讎而梓行錄載紹興十八年四月十七日皇帝御集英殿賜狀元王佐以下三百三十人及第出身同出身釋褐十八日赴期集所勅差糾彈牋表主管名小錄掌儀典客掌計掌口掌膳掌酒果監門等官執事二十六日賜錢一千七百貫二十九日朝謝五月初二日就法慧寺拜黃甲叙同年初五日赴國子監謁謝先聖先師立題名石于禮部貢院夫國翰與文公同榜其賜第亦第五甲文公遊揭陽常主其家名益藉甚同時第五甲者尙有潮陽石仲渠揭陽陳式第四甲則有揭陽林大受今以文公故人珍其榜而此廷試錄乃藉是得存於世茲爲附錄以徵當日賜第名數日期事狀亦鄭氏一掌故也

八賢

潮之聞人有八賢唐一人曰趙德宋七人曰許申張夔劉允林巽王大寶盧侗吳復古林東莆有言曰力排異端師宗孔孟爲韓愈之所尊禮者吾得趙德焉而真宗東巡賦頌以陳災異極詆時弊若許申者可以觀其忠介矣南中諸縣清操一人爲高宗所嘉獎者吾得張夔焉而歲有凶歉免民租辦冤獄若劉允者可以觀其經濟矣投匭論事南歸讀易者林巽也觀其策忤權貴屢拜不就其直道事人者乎文章學識直言剛正者王大寶觀其疏請恢復懇建儲位其忘身殉國者乎事親至孝爲鄉評所推許者盧侗之行誼不多見也而居憂廬墓爲二蘇所交遊者吳復古之志趣超逸豈易得哉茲數君子者出處雖不同而正誼明道足以植人倫光史策允吾潮

人傑也

林東莆全集
韓江聞見錄

按唐宋八賢世所稱前八賢而東莆先生著論咸稱之者也明崇禎戊辰潮復有同榜進士曰辜朝薦郭之奇黃奇遇宋兆禴李士淳梁應龍楊任斯陳所獻世所稱後八賢而見之郡城咸世元凱戊辰八賢坊者也或曰世又有稱前後七賢者亦即宋之七賢明之戊辰八賢捨士淳外之七人耳蓋士淳程鄉人雍正十年以程鄉改嘉應州故云李勣所謂大欽生前後七子之間者是也或又云所謂前後七賢者均明人前者爲嘉靖甲辰科同榜進士林光祖章熙黃國卿郭維藩陳昌言蘇

志仁成子學而見諸七俊坊者也後者則辜朝薦等七賢然邪否邪錄之以諗吾州世之所謂前後八賢與七賢也

梁克家

宋梁文靖克家之遊學揭陽也館京岡孫白家甚相得梁性方嚴孫家人有過必面斥之僕輩遂造爲蜚語聞於孫梁知之不甚安一夕題詩於壁辭館去其詩云投杼曾參事可嗟角弓斜影誤杯蛇塵餘飯甑疑偷飯履納瓜田豈盜瓜新息無心留蕙艾廣平有意賦梅花夜闌秉燭添招悵何日看籠壁上紗孫後見詩而悔追贈甚厚時紹興二十八年九月也梁至縣治東壩梅花盛開嶺外梅花固早於江浙然亦須至冬乃有之邑人以爲異士子賦詩皆詔令尹時克家正爲館客寓此齋亦賦一篇曰老菊殘梧九月霜誰將先暖入東堂不因造物於人厚肯放梅花特地香九鼎燮調端有待百花羞澀敢言芳看來冰玉渾相映好取龍吟播樂章一時傳誦明年還泉州解試第一又明年遂魁天下致位上宰孫氏後有家禍往臨安求梁克家爲排

釋事始得解孫立祠祀之

阮通志吳府志揭陽劉志續全閩詩話

按世傳孫白一夕夢黃龍濯爪於涯涘翌日有黃襖秀士淨手水邊遂邀至家厚禮之秀士卽克家也今京岡河邊有碑鐫

夢龍濯爪處者卽克家當日淨手之所也

白玉蟾

白玉蟾本姓葛名長庚字如晦號瓊琚避難雷州爲白氏後遂姓白嘗往來潮惠諸山中有贈潮陽高士吳桂山詩曰一哄相逢在翠微綠槐高柳借涼時只將水竹烟霞興說與風花雪月知日落三盃無事酒人間八句自然詩白雲深鎖仙家路香滿

山中桂子枝

吳府志海陽吳志潮陽周志佩文齋書畫譜韓江記湧幢小品

按葛長庚福之閩清人母夢一物如蟾蜍覺而分娩以祖任教瓊州日生於瓊乃號海瓊子又號蟾庵父亡母改適至雷州

繼白氏後遂改名曰白玉蟾更字曰白叟又曰武彝散人神霄散吏天資聰敏博洽羣書文筆灑落頃刻萬言善隸篆兼工

梅竹其草書有鸞翔鳳翥之勢嘗傳丹訣於博羅陳翠虛授洞玄雷法於異人游蹤半天下嘉定間徵赴闕館太乙宮一日

不知所往後於鶴林宮與衆作別詔封紫清明道真人嘗游西湖被風墮水舟子尋不見達旦已在水上猶飄然也世稱水

解或云尸解於海豐或曰解化於盱江然尙有見之融州老君洞或見於隴蜀者是則又未死也殆仙去耶

二書生

宋季益廣二王從福州航海至泉州駐蹕港口守臣蒲壽庚據城不納壽庚武人寡謀其計皆出於兄壽成所籌畫部署決策既定佯着黃冠野服隱法石山下自稱處士示不臣二姓之意而密令壽庚納款於元既而元以壽庚歸附功授官平章開平